

貴州通志

前事志一

方志分門類敘條貫爲難青螺紹述東萊兼用刻錄縣紀年之例首記大事極得體要衛志因之乾志乃以大事散見師旅建置諸篇所不能該則竟削去可謂不善繼述顧大事古稱祀戎語源未覈遵志別爲年紀而黔在殷周之世若泯若沒六代而還轉成荒廢則年紀亦乖名實用製謝蘆山桂志黃子壽畿輔志名以前事視已成師後事意也諸志一篇之中或兼衆體既礙製裁仍難尋檢惟遵志祖案陽綱目得割麟經附旨左之便而於事同文異之件改用駢列尤爲矜慎茲篇悉遵用之黔未郡縣以前境地華離不著領域無以明當時形勢畧具一事原委輒不免枝蔓未能悉中繩削又纂言紀事時若與他門疊架則亦新都藝文可便別行意耳螢光末照蛾術多疏證誤然疑仍族來哲

殷

成湯化異俗而懷鬼方後漢書匡衡傳

貴州通志

前事志一

湯伐鬼方後漢書西羌傳

高宗三十二祀伐鬼方次于荊竹書紀年

三十四祀王師克鬼方氏羌來賓同上

按康熙志大事首載虞舜命征有苗乾隆志師旅考首載堯克有苗於丹水之浦周宣王命方叔伐南蠻平王時秦繆有蠻氏之戎各條考方叔所伐詩本作蠻荆戎爲西夷有蠻氏自當近秦無與黔地至堯時丹水之戰地在今河南南陽舜征有苗道死蒼梧稍南向矣然猶非黔地吳起韓嬰皆謂三苗左洞庭右彭蠡故史記正義謂今江州鄂州岳州三苗之地通典謂岳州潭州衡州古三苗國干羽之格僅爲七旬知虞夏以前有苗事與黔無涉故并予芟削至鬼方爲今何地說至紛歧然爲北方國爲漢先零羌皆後起之說證以竹書高宗伐鬼方次荊之文諸儒多言鬼方即荊楚近地而貴州爲古鬼方故志前事自殷代始

附且同享集鬼方考 詩大雅蕩覃及鬼方傳鬼方遠方易既濟高宗伐鬼方三年克之集解引虞翻注高宗殷王武丁鬼方國名乾爲高宗坤爲鬼方

未濟震用伐鬼方注同皆不言鬼方所在然虞云坤爲鬼方坤西南之卦也

蔡邕成陽令唐扶頌序云君以能治劇除豫章鄢陽長頌詞云賦政于外爰及鬼方鄢陽在江西春秋時爲楚地是蔡意蓋以楚爲鬼方此皆漢以前舊說也干寶注易乃云鬼北方國坎爲北方故稱鬼蓋亦望文生義未能實指其地宋衷注世本始云鬼方西落戎於漢則先零羌後漢書西羌傳云武丁征西戎鬼方三年乃克蓋皆據竹書季歷伐西落鬼戎爲說此後通典通考悉沿其誤考竹書武丁三十二祀伐鬼方次于荊三十四祀王師克鬼方氏羌來賓武乙三十五年周公季歷伐西落鬼戎是武丁武乙異其世武丁季歷異其人鬼方鬼戎異其名不得爲一事且言克鬼方而氏羌來賓則氏羌非鬼方意義甚明若曰鬼方既克氏羌畏威而來服猶之詩曰征伐獫狁蠻荊來威云爾獫狁寧即荊楚邪武丁都西亳今河南偃師荊楚在其南伐鬼方而次荊鬼方自當近於荊楚伐荊楚而突入其阻故三年乃克使鬼方果爲西羌自豫行師何爲南次荊楚宋王質謂楚俗多鬼鬼方即荊楚路史注引朱子亦疑鬼方即荊楚詩集傳商頌殷武祀高宗之樂易曰高宗伐鬼方

貴州通志

前事志一

二

三年克之蓋謂是歟王應麟曰大戴禮帝繫篇陸終娶鬼方氏生子六人六曰季連季姓楚後可以證朱子集傳之說黃東發亦曰鬼方即是荊楚考陸終娶鬼方氏之妹女嬃大戴記及史記索隱說同陸終楚先僻在南蠻其爲昏姻必爲隣近種落如春秋秦晉齊魯宋衛比不能遠皆極北或極西夷落種族事勢則然故謂鬼方爲北方國爲先零羌即西落鬼戎皆後起無據之說也

明史土司傳西南諸蠻有虞三苗商之鬼方之屬皆是毛奇齡曰易言高宗伐鬼方詩曰高宗伐荊楚鬼方即荊楚也惠棟周易古義曰商之鬼方周荊楚之地商頌殷武即伐鬼方詩也李方湛曰孔穎達文王世子正義謂庸蜀羌髳微盧彭濮九國或即鬼方種類皆西南夷與楚隣不得即以西方當鬼方惠說是也俞樾羣經平議曰惠氏謂荊楚古稱鬼方說至隔離爲南方卦鬼方亦南方國足見聖人取象之精養素堂集亦曰鬼戎在西鬼方在南古人以荊楚爲蠻氏羌爲戎荊楚不得稱戎此清儒諸說亦皆以鬼方爲即荊楚近時王國維氏作鬼方昆夷獫狁考乃謂見於商周間曰鬼方曰混夷曰

獯鬻周季則曰獯鬻春秋後謂之戎繼號曰狄戰國以降又稱之曰胡曰匈奴其說蓋出於史記索隱最爲牽混王氏又曰鬼方之名易詩作鬼然古金文作魑或作魑孟鼎曰王曰孟以口伐魑方其字从鬼从戈又桑伯戈云魑方繼从戈从支皆有擊意古文往往相通又曰鬼方地理古無定說唯竹書稱王季伐西落鬼戎可知其地當在岐周之西大小兩孟鼎皆出今陝西鳳翔府郿縣地西北接岐山當爲孟之封地鬼方與孟近當在汧隴間云云夫西落鬼戎非卽鬼方已如前說王氏欲申鬼方在西之說遂以竹書次荆文不爲昔人所引逕斥爲僞夫嘗見徵引者固真然不見徵引者未遂爲僞也以偏概全寧足爲據孟鼎出郿或爲孟人從征鬼方紀功之作或古物流轉至此不得謂孟地卽此又鬼方當與孟近也抑考古經傳稱蠻者必爲南方民族南蠻北狄東夷西戎此定稱也大戴記南蠻之民曰蠻禮王制南方曰蠻周禮職方八蠻司農注同詩角弓如蠻如髦傳南蠻是也胡渭禹貢錙指釋三百里蠻曰蠻夷可以該戎狄戎狄可以該蠻夷此則行文之便至特指曰某某蠻斷爲南方種族無可疑者梁伯戈稱魑方繼愈足證鬼方必爲

貴州通志

前事志一

三

南蠻非西北戎狄以矛攻盾而王氏他之引證皆辭費矣劉心源曰魑卽魑字五音篇海魑音鬼戈銘曰繇卽是蠻字蓋指南方而言其說是矣抑更有進者明史土司傳西南諸蠻有虞三苗商之鬼方之屬皆是請申其說戰國策吳起謂魏文侯曰三苗之居左有洞庭右有彭蠡韓詩外傳曰當舜之時有苗不服其不服者衡山在南岐山在北左洞庭之波右彭蠡之險由此險也淮南兵畧訓曰舜伐有苗修務訓曰舜南征有苗道死蒼梧檣弓舜葬蒼梧之野鄭注舜征有苗死因葬焉此三苗地在荆楚之證夫虞夏之際三苗居荆楚何以殷周之世不復有三苗但有事於鬼方可知鬼方與有苗其種族與廢不可知而其居地殆同在荆楚近地也或謂三苗既竄三危何以仍在荆楚應之曰虞書竄三苗于三危在帝堯殂落之前而皋陶謨苗頑弗卽功在三危分北之後方以智曰舜所竄止於三苗之君其種類仍在故地任啓運經義雜識曰舜攝位竄於三危必遷其君與其人之尤頑梗者而於其地猶立君以統之故虞書之終又有分北三苗之文禹貢雍州三苗不敘此三苗之既遷者皋陶謨苗頑弗卽功此三苗之未遷者劉心源曰商

周時西落鬼戎實三苗支種以西羌爲鬼方專指支種言不知其本種仍盛於南也由是言之三苗分北之餘其本種遂由荆楚而西聚息於黔地遂稱鬼方理或然也

三危所在說亦多歧鄭禹貢注三危在鳥鼠西南當岷山孔穎達曰山在河西此舊說也杜預昭九年傳注乃云三危在瓜州今敦煌後漢書西羌傳舜流四凶徙之三危河關之西南羌是也注三危山在今沙州敦煌王鳴盛曰如杜說則三危在河北與鄭異恐非也孫星衍亦曰章懷注與漢書本文不相應河關之西卽鄭注所云三危在岷山西南非沙州之三危俞樾曰漢地理志續漢書郡國志敦煌縣下皆不言有三危山鄭注在鳥鼠西南太平御覽地部引河圖括地象三危山在鳥鼠西南與汶水相接則三危在隴西而非敦煌與瓜州絕遠蔣廷錫尙書地理今釋乃謂三危有二則調停之說也後漢西羌傳明言西羌出自三苗則三苗所竄之三危當在今隴蜀間據海內經逸周書王會篇并謂氏羌同種漢書地理志金城郡臨羌破羌隴西郡羌道氏道廣漢郡甸氏道剛氏道又西南夷傳夜郎滇邛都笮都冉駹白馬

貴州通志

前事志一

四

皆氏類蓋自秦隴西南南近巴蜀皆羌氏所居三苗所竄當爲此諸地本爲鬼方故亦號鬼戎以本一系故言鬼方者輒及氏羌也是鬼方卽有苗地近荆楚無可疑者而敗亡之餘益溯湖湘而西首及黔地此昔人多謂貴州爲古鬼方之由也曹能始貴州名勝志云貴州治所殷商之鬼方又云宋朝紀要以鬼方地林多貴竹因以名州此宋人說也元范匯八番順元宣慰司題名記亦謂八番順元相傳爲夜郎牂牁之表殆古鬼方之境故嘉靖康熙乾隆諸省志皆云貴州殷爲鬼方清一統志職方典並同其說夫楚人尙鬼故得鬼方之名元以後稱羅施鬼國亦必其來有自鄒漢勛曰貴州之名初見於元史而康熙貴州通志載宋太祖賜普貴勅惟爾貴州遠在荒服是宋初已有貴州之稱而宋史地理志寰宇記九域志皆但有矩州而無貴州今黔南之音魚模脂微同呼矩貴無異則貴州卽矩州之變無疑作矩者史冊之正文作貴州者沿相承之俗語也莫友芝曰貴陽本唐矩州宋元并於羅氏謂之羅氏鬼國矩鬼貴一聲譌轉非有三地予意二說皆是顧鄒氏知矩之爲貴猶未知矩

又按黔在殷代當爲鬼方故本志託始於殷然黔在夏殷以前蓋稱赤水山海經海外南經三苗在赤水西海內西經赤水注於南海大荒南經南海之中有汜天之山赤水窮焉赤水之東有蒼梧之野舜與叔均之所葬以今地形考之貴州西北赤水河爲古赤虺河北流入江惟南北盤江下流稱紅水江左右皆苗族聚居實爲珠江西源下流入於南海蒼梧適在其東此外西南巨浸更無注入南海可當赤水者故盤江合流殆古赤水也海內經炎帝娶赤水之子聽訛生炎居以塗山之子例之則赤水必當時僉部之名故貴州在鬼方以前殆稱赤水以無他證附識於此以俟考

五

國華
志陽

洛書曰人皇始出繼地皇之後兄弟九人分理九州爲九囿人皇居中州制八輔華陽之壤梁岷之域是其一囿囿中之國則巴蜀矣其分野輿鬼東井其君上世未聞五帝以來黃帝高陽之支庶世爲侯伯及禹治水命州巴蜀以屬梁州會諸侯於會稽執玉帛者萬國巴蜀往焉周武王伐紂實得巴蜀之師著乎尙書巴師勇銳歌舞以凌殷人倒戈故世稱之曰武王伐紂前歌後舞也武王既克殷以其宗姬於巴爵之以子古者遠國雖大爵不過子故吳楚及巴皆曰子其地東至魚復西至夔道北接漢中南接黔涪

案遺志引孔晃周書王會解註及海內南經郭璞云三巴國句註稱巴東至魚復西連夔道北接漢中南接牂牁春秋戰國不改與此小異

土植五穀其民質直好義土風敦厚有先民之流而其失在於重遲魯鈍俗素樸無造次辨麗之氣其屬有濮賈苴共奴獯夷蠻之屬周之中世雖奉王職與秦楚鄧爲比是後楚主夏盟秦擅西土巴國分遠故於盟會希與戰國時嘗與楚媾及七國稱王巴亦稱王周顯王時楚國衰弱秦惠文王與蜀爲好蜀王弟苴私親於巴巴蜀世戰爭周慎觀王

遼志卷首原案云華陽國志巴志言秦惠文王取蜀取巴置郡蜀志言高祖分置廣漢武帝分廣漢置犍爲分犍爲置牂牁巴志亦云分巴割蜀以成犍廣也其言蜀國所至則曰東接於巴南接於越言巴南鄙所分之涪陵郡界則曰南接武陵西接牂牁是遼義在未郡縣以前及僅置巴蜀時府地並當巴西南鄙蜀東南鄙今於犍牂未置以前畧記巴蜀事以溯其始

案遼志以遵義古孕育於巴蜀故錄巴蜀紀載特詳其書所引如海內南
名記呂氏春秋巴巴姬之渠等皆詳巴國之源華陽國志蜀志蜀太不御覽所
引揚雄蜀王本紀十三州志及路史因提紀等則敘蜀國志之始餘如周書世
俘解一載陳本命伐磨新荒命伐蜀軍一周密王會解一載巴贊比翼
蜀贊文翰事一王應麟王會補註及史記六國表楚世家戰國策等
 然據
 各書所紀則犍犍固自同源不過巴蜀現爲川專稱又犍犍旋卽割出見下
 年與武陵涪陵之自唐宋前均奄有黔地者不同茲特擇錄此以著黔開建
 之始惟警令事各地志謂警古黔屬土警故址諸志以爲在遵義乾隆故以

六

路史餘論附之

附路史因提紀餘論

令者荆人也舊說魚鳧田於湍山仙去魚鳧蜀王本紀作魚尾案陳蜀王本紀及因提紀靈還拍漫魚鳧皆蜀遠祖拍漫蜀王紀作折謹又作伯雍或作伯禽復有男子從天墮曰西海君自立爲蜀王號望帝徙

都於郛或翟上自恃功高諸王乃以寢斜爲前門熊耳靈闌爲後戶玉壘峨眉爲城郭江潛綿洛爲池澤岷山爲畜牧南中爲囿苑時繁令尸隨水上荆人求之不得至蜀起見望帝望帝以之爲相後禪以國去之隱於西山民俗思之時適二月田鵠方鳴因號杜鵑以志其隱去之期一云宇禪之而淫其

妻恥之死爲子嵩

也杜甫每每起嘆所謂杜宇曾爲曹帝王者據風俗通等原案風俗通引楚辭云楚令屍亡江而上到嶧山下蘇起蜀人神之尊立爲王繫令化從井出既死尸逆江至岷山下起見望帝山嶧蜀本紀蜀本紀時巫山擁江蜀洪水望帝令令鑿之蜀始處陸以爲刺史號曰西州作汝山

自以德不如令從而禳焉是爲蜀開明氏年號萬通生蔦保因提紀云蜀自
蠶叢以來帝號

秦惠王使人告楚懷王請以武關之外易黔中地楚曰不願易地願得張儀而獻黔中地案得儀詐楚絕齊許予以商於地六百里齊絕乃易辭爲六里事見史張儀聞之請行王曰楚將甘心於子奈何行張儀曰秦強楚弱大王在楚不宜敢取臣且臣善其嬖臣靳尚靳尚得事幸姬鄭袖戰國策作褒袖之言王無不聽者遂往楚王囚將殺之靳尚謂鄭袖曰秦王甚愛張儀將以上庸六縣及美女贖之王重地尊秦秦女必貴而夫人斥矣於是鄭袖日夜泣於楚王曰臣各爲其主耳今殺張儀秦必大怒請子母俱遷江南母爲秦所魚肉也王乃赦張儀而厚禮之張儀因說楚王曰夫爲

L

從者無以異於驅羣羊而格猛虎不敵明矣今王不事秦秦劫韓驅梁而攻楚則楚危矣秦西有巴蜀治船積粟浮岷江而下扞關輯覽註扞關在今關北宜昌府長陽縣西驚則從境以東盡城守矣黔中巫郡非王之有秦舉兵出武關則北地絕秦兵之攻楚也危難在三月之內而楚待諸侯之救在半歲之外夫待弱國之救忘彊秦之禍此臣所爲大王患也大王誠能聽臣臣請令秦楚長爲兄弟之國楚王已得張儀而重出黔中地乃許之

通鑑史記 國策

按楚黔中通鑑赧王三十八年初置黔中郡註謂黔錦乾志建武中銅鼓

雲黎平府獎。乾志云：疏遠等地屬之。鍾陵縣原文云：括地志：黔中故城在辰州，亦其地。案秦黔中郡，是漢改黔中爲武陵郡。宋白曰：秦黔中郡所理在今辰州。險浦縣是後漢移黔中郡於今辰州。所理元龜、長錦鼓獎、溪澧朗施八保，定四年，遷黔中之地。思歸化初，於其所立奉州，續辦今夷費思播隔越峻嶺以山川言之，然自分案夷費思播經註以爲據。乾志建置則思州思南亦是也。萬里荆州之皆漢潛陵地，文見移潛陵條。據乾志建置則思州思南亦是也。萬里荆州之奇土周屬楚巫黔中地，思南府禹貢荊梁二州之奇，周屬楚巫黔中地。考史暨註亦云：今湖南之常德、辰州、永順、貴州之黎平、思南諸府皆黔中地。

記楚世家：楚自熊繹受封居丹陽。括地志：熊繹始國在巴東縣東南四里。夷王時，熊渠興兵伐

庸秦李羣 即中郡左傳 楚武王伐隨於是始開濮地而有之杜預曰隨事
 正義云楚事晉即巴國所部 巴郡在蜀南案建寧州屬郡見後又路史國名紀海內南經
 有巴國所部巴郡在蜀南案建寧州屬郡見後又路史國名紀海內南經
 賈直共奴獫狁蠻之屬然又後漢書南蠻傳云周平王東遷蠻遂侵暴上國
 則濮蠻爲巴屬土之一
 晉文侯輔政乃率蔡共侯擊破之至楚武時蠻與羅子共敗楚師殺其將屈
 瑕註即楚屈瑕伐羅 莊王初立民飢兵弱復爲所寇楚師既振然後乃服
 自是遂屬於楚鄢陵之役與共王合兵擊晉註即左傳 及吳起相悼王南
 并蠻越遂有洞庭蒼梧秦昭王使白起伐楚畧取蠻夷始置黔中郡云云不
 言楚有黔中始末然云吳起并蠻越蠻自南蠻越牂牁十七縣問答等書謂
 都勻黎平皆其地又攻屈瑕之羅與虜戎杜預註羅熊姓國在宜陽縣西山
 中後徙南郡枝江縣虜戎南蠻寰宇記湘陰縣楚羅汭地漢置羅縣梁分置
 羅州錦州唐置虜陽郡云云然則庸濮羅盧殆卽楚黔中地秦本紀孝公元
 年文云時河山以東強國六楚魏與秦接界魏築長城自鄭至洛有上郡楚
 自漢中南有巴黔中孝公元年卽周顯王八年黔中地在楚黔中未郡以前無
 可指實而史此年有此事故特錄之以爲下置郡之本又歐陽忞輿地廣記

八

列辰沉韓珍漆遼義錦獎西高入禹貢荊州南平涪姚入梁州七國時列辰
黔靖錦屬楚辰靖錦殆卽黔中地又銅仁志建豐謂銅仁秦屬黔中郡云夷
播州今遵義府唐貞觀四年開南蠻置夷州又置費州改新州爲思州九年
以隋祥柯郡置播州皆在周隋所置黔中境內與秦黔中郡相距數百里通
鑑注云今辰州敘英施澄朗八州是秦漢黔中郡地銅仁唐屬辰州與溪
二州鄰近然卽銅仁實秦黔中地也今案舊注辰州乃辰錦之誤胡氏所引
括地志文並見紀要及寰宇記皆作錦要

十六年秦質楚懷王要楚割巫黔中懷王不許

秦王伐楚取八城秦王遣楚王書曰始寡人與王約爲兄弟盟於黃棘事在十一年太子入質至驪也楚負從約齊韓魏合伐楚以其太子橫質秦請救事在十二年秦大夫有私與門者太子在秦殺之亡歸事在十三年不謝而亡去使兵侵王之邊今聞君王乃令太子質於齊以求平質齊在十五年寡人與楚接境婚姻相親而令秦楚不歡則無以令諸侯寡人願與君王會武關面相約結盟而去寡人之願也楚王患之欲往恐見欺欲不往恐秦益怒昭睢韓魏作屈平曰母行而發兵自守耳秦虎狼也有并諸侯之心不可信也懷王之子蘭勸王行乃入秦秦王令一將軍詐爲王伏兵武關楚王至則閉關刦之與俱西至咸陽朝章臺如藩臣禮要以割巫黔中郡楚王欲

與盟秦王欲先得地楚王怒曰秦詐我而又張要我以地因不復許秦人留之
十八年懷王亡歸秦人覺之遇趙道懷王從間道走趙趙主父在代趙人不
受懷王將走魏秦人追及之以歸十九年懷王發病薨於秦秦人歸其喪楚人
皆憐之諸侯由是不直秦史記 通鑑

案巫黔中郡史記楚世家作巫黔中之郡是黔中置郡不始於秦秦特改置
之耳又華志蜀志於七年侯惲下連書有司馬錯率巴蜀衆十萬浮江伐楚
取商於之地爲黔中郡一事其巴志漢書本傳亦云黔中巴之南郡從枳南
紀年丹潛水作巴潛水連志照舊之考史記資治通鑑通鑑輯覽等書是年
不載取商於事又史稱商於衛鞅封邑故世稱鞅曰商鞅或商君史記周顯
年案以商於封衛鞅鞅在商州東八十九里本商邑周之商國鞅在商州內
鄉縣七里古於邑商鞅在商州東八十九里本商邑周之商國鞅在商州內
商今於村是地此是商於地在商州東八十九里本商邑周之商國鞅在商州內
地六百里許楚而卒未與然則商於本隸秦茲何忽屬楚而云滅之華志此
文殆誤竇宇記涪陵條載司馬錯拔黔中事亦錄華志此文而節去商於語
意殆亦同遵志未加辨析附正於此

貴州通志

前事志一

九

又按巴志云周慎觀王五年秦司馬錯自巴涪水取楚商於之地爲黔中郡
蜀志云周赧王七年司馬錯率巴蜀衆浮江伐楚取商於之地爲黔中郡同
一事而年代舛異史記楚世家張儀說楚懷王曰王爲儀閉關而絕齊使使
者從儀西取故秦所分楚商於之地方六百里云云是所謂楚商於者本秦
許楚而卒未予者不應楚別有商於且以商於爲黔中他書絕未一見華志
果誤

三十五年秦司馬錯伐楚拔黔中通鑑

三十五年即秦昭襄王二十九年秦司馬錯發隴西兵因蜀攻楚黔中拔之通鑑

涪陵巴之南郡從枳縣入秦字配枳秦將司馬錯由之取楚黔中地秦字

案秦本紀書是年拔黔中三十八年置郡楚世家則云是年割上庸漢北三
十八年即秦昭襄王三十八年復拔巫黔中文似小異然云復拔豈後復歸楚三
十八年乃卒定之而置郡故此年不書耶輯覽繫黔中歸秦於此年通鑑此
年書拔下年書定及置郡今從之

三十八年秦武安君定巫黔中始置黔中郡通鑑

申甲

巳辛

明年原文承後七年下秦攻楚拔郢燒夷陵遂東至竟陵楚王
亡去郢東走徙陳秦以郢爲南郡白起還爲武安君因取楚定巫黔中郡史記
秦昭王三十年蜀守若伐楚取巫郡及江南地置黔中郡秦紀
十五年原文承後七年下秦王封其子綰爲蜀侯三十年疑蜀侯綰反王復誅之但
置蜀守張若案本書元年已云以張若爲蜀守因取筰及其江南地
黔中郡今歷古蠻夷之地禹貢荊州之域左傳庸人率羣蠻叛楚卽其地
戰國時秦惠王欲楚之黔中地以武關外易之卽此土也至昭王伐楚得其地
因置黔中郡於今辰州通鑑

案陳蘭森竇宇記補闕武陵縣條引明統志云張若城在縣東張若築此城
以拒楚司馬錯城在縣西秦使司馬錯與張若伐楚黔中相對各築一壘以
扼五溪咽喉云云又乾隆志以置郡連書於三十五年殆本之後漢書後漢
書錄見前然彼只云昭王時不著赧王年號也茲不從

楚將莊蹻克夜郎滇池欲歸報會秦奪楚巫黔中道塞遂王滇通鑑

西南夷君長以什數夜郎最大其西靡莫之屬以什數滇最大皆雉結耕田有

貴州通志

前事志一

一〇

邑聚皆巴蜀西南徼外蠻夷也始楚威王時使將軍莊蹻將兵循江上畧巴蜀
黔中以西莊蹻者楚莊王苗裔也蹻至滇池地方三百里旁平地肥饒數千里
以兵威定屬楚欲歸報會秦擊奪楚巴黔中郡道塞不通因還以其衆王滇變
服從其俗以長之漢書

南中在昔蓋夷越之地滇濮甸町夜郎侯王國以十數編髮左衽隨俗遷徙莫
能相雄長周之季世楚威王遣將軍莊蹻泝沅水出且蘭以伐夜郎植柙柯繫
船於是且蘭既克夜郎又降而秦奪楚黔中地無路得反遂留王滇池蹻楚莊
王苗裔也以繫船因名且蘭爲牂牁國分侯支黨傳數百年通鑑

楚頃襄王時遣將莊豪從沅水伐夜郎軍至且蘭抵船於岸而步戰既滅夜郎
因留王滇池以且蘭有牂牁牂牁乃改其名爲牂牁後漢

牂牁之爲國其先不知何始管子小匡篇桓公云余乘車之會九兵車之會三
九合諸侯一匡天下南至吳越已牂牁牂牁不庚離題黑齒之國莫遠寡人之命
說者曰已卽南已今湖南是不庚卽大庾今江西是黑齒字書無之或曰當是脈
从爪辰聲卽振字之異文今辰州是離題卽八蠻之咳首與黑齒同今在雲南

微外是則齊桓公之所服遠矣。牂牁近在版已之旁而爲荆域之內地其列於衣裳兵車之會固其宜矣。其後蓋屬於楚楚有揚豚尹說者謂是豚水之尹也。警令警人也而曰荆人明警屬荆也。豚警牂牁之近地則牂牁屬楚定矣。泊乎楚懷襄之世牂牁蓋改號且蘭而叛楚江南亦多反者焉。莊蹻者字金足楚莊王之苗裔善用兵當懷王之世不得志亡而爲盜楚人莫能禦王欲伐越杜子謂王曰臣愚目能見百步而不見其睫王之兵敗於秦管莊蹻爲盜於境內吏不能禦而欲伐越此智之如目也。王病之已而招降蹻蹻始爲將於楚頃襄王時屈原以讒故貶於江南之羅而爲令楚有兩羅而縣令稱公故時人號原爲大羅公。大羅公之居江南也畧定邵定之境土故其詞曰朝發辰陽兮夕宿枉渚。案實字配陳氏補闕云枉水在武陵縣南又方與蹻蹻相稱亭在武陵縣南相傳三閭大夫以五月五日自投汨羅土人以舟救之爲何而得渡又曰入溇浦而還回焉。王以原既定辰陽因遣蹻將兵泝沅水而上畧巴蜀黔中以西至於且蘭之東。桴船於岸今清平之都蘭渡卽其桴船之處矣。遂以步兵西南趨且蘭與戰克之。春秋之國蓋於是滅矣。蹻又西兵而滅夜郎與滇因王滇以且蘭有已繫船處名且蘭爲牂牁封其支黨爲君於是其有牂牁君

貴州通志

前事志

一一

後改其國復爲且蘭夜郎之爲國不知何姓其先亦不知何始或曰周武王伐紂虜人從之虜卽唐之濫夜郎直其南殆虜夷之屬國也。至周末夜郎始著史記云西南夷君長以什數夜郎最大者是已。楚頃襄王使將軍莊蹻從沅水伐夜郎軍至且蘭桴船於岸而步戰勝之遂進滅夜郎西至滇滇池地方三百里旁平地肥饒數千里以兵威定屬楚欲歸報會秦擊楚巴黔中郡道塞不通因還以其衆王滇變服從俗且分侯其支黨於是其有且蘭君夜郎侯之屬蓋皆半姓而莊氏。晉永嘉中丘茶夷夜郎莊王墓卽夜郎侯之進封爲王者也其時夜郎蓋東有今遵義中自大定西連曲靖而西北包東川昭通南跨安順興義而止乎泗城故曰夜郎最大也。志安順

遵志原案史記秦本紀昭王三十年蜀守若伐取巫郡及江南爲黔中郡又六國表楚頃襄王二十二年秦拔我巫黔中郡並當周赧王三十八年太平寰宇記云史記及漢書皆云楚威王時使莊蹻畧巴黔以西蹻至滇池欲歸會秦奪楚巴黔中因以其衆王滇後十餘歲秦滅案楚自威王後懷王三十年至頃襄王之二十二年秦昭襄王遣兵攻楚取巫黔中後漢史則云頃襄

王時莊蹻王滇豪卽蹻也。若蹻自威王時將兵畧地屬楚秦昭王黔中郡道塞不還凡經五十二年豈得如此淹久或恐史記誤班生因習便書范氏所記詳考爲正。又莊蹻王滇後十五歲頃襄王卒考烈王立二十五年幽王立十年負芻立五年而楚滅後十五年秦亡斯又未之詳也。今案樂氏以史漢威王爲非而以後書頃襄王爲近其說是也。考荀子議兵篇故齊之田單楚之莊蹻秦之衛鞅燕之繆蠆是皆世俗之所謂善用兵者也是其巧拙強弱未有以相君者也。若其道一也。又云楚人絞革犀兕以爲甲如金石宛鉅鐵鈍慘如繡蠶輕利便遶卒如飄風然而兵殆於垂沙唐蔑死莊蹻起楚分爲三四。是豈無堅甲利兵也。其所以統之者非其道哉。也。楊倞註引史記索隱曰莊蹻蹻蹻將言其起爲亂後楚遂分爲四又引韓子曰楚王欲伐越杜子曰臣愚目能見百步而不見其睫王之兵敗於秦管莊蹻爲盜境內吏不能禁而欲伐越此智之如目也。蹻初爲盜後爲楚將。原莊蹻氏所引荀子弱民篇楚國之民齊疾而均速若飄風宛鉅鐵鈍利若繡蠶絞革犀兕堅若金石秦師至鄢郢舉若振稿唐蔑死於垂沙沙形莊蹻發於內楚分爲五。之形

貴州通志

前事志

一二

商鞅死已久當是後韓詩外傳四楚兵殆於垂沙唐子死莊蹻起楚分爲三四史記補禮書楚兵敗於垂沙唐昧死莊蹻起楚分而爲四參三書之文畧與荀同皆言唐蔑死莊蹻起而楚地分考史記楚世家及六國表秦與齊韓共攻楚殺楚將唐昧取重邱而去在楚懷王二十八年二十九年秦取楚襄城三十年懷王入秦秦取楚八城頃襄王元年秦取楚析及十五城分爲三四卽謂此是莊蹻伐夜郎取滇當以後書頃襄王時爲確之明證也。至韓非謂楚莊王欲伐越而杜子舉莊蹻爲盜境內以止之莊懷之譌也。莊王稱霸事具春秋傳及史記安有喪地秦晉之事惟懷王十七年與秦戰丹陽秦大敗我軍斬甲士八萬虜我大將軍裨將軍七十餘人遂取漢中之郡懷王乃悉國兵復襲秦戰於藍田大敗楚軍韓魏聞楚之困乃南襲楚至於鄧楚聞乃引兵歸二十年昭王又有王雖取地於越不足以刷恥之語在史記楚世家可見欲伐越而言喪地於秦晉卽指十七年事其爲懷王之誤無疑蓋蹻在懷王時爲盜至頃襄時起而爲將故楊倞曰蹻初爲盜後爲楚將也。蹻之畧地南中意止在頃襄二十年前後三代用兵未有淹久至三四年前者特

無徵未敢定耳王世貞云楚有兩蹻一莊王大盜一莊王喬孫將軍平漢自王者此特就蹻非史記爲說未加鈎稽參證殊無足取又考呂氏春秋介立竊莊蹻之舉郢也注莊蹻楚成王之大盜又異用竊蹻與企足得餘以開閉取鍵注竊蹻企足莊蹻也皆大盜人名也以餘取人建壯開人府藏竊人財物也高誘獨以蹻爲成王時與諸家異蓋緣史記言蹻在威王時承而用之轉寫謬成爲成耳至後書之豪呂覽之企足與諸書之蹻雖頗歧出實無三人企足近蹻之切音且後書本篇復有漢王莊蹻之後之語呂氏介立亦仍書作蹻而郭子章莊蹻考必以王漢之蹻爲非盜謂遷固既謬頃襄爲威王又惡知不謬豪爲蹻當從范氏莊豪爲正馬氏豪即蹻之說爲非此特以正德間雲南欲祠蹻因賈誼謂蹻蹻蹻蹻今李奇注蹻蹻之大盜故不果思曲爲之護不足辨也至樂氏謂蹻王漢後十餘歲秦滅且爲之算年謂未知其詳考史漢言蹻王漢繼言秦時通五尺道於此國置吏十餘歲秦滅十餘歲謂通道置吏至秦亡之年非謂王漢至秦亡之年樂氏檢核偶未審馬氏文獻通考亦沿其說又遼志沿革牂牁考云據管子小匡篇桓公云余乘

貴州通志

前事志一

一三

車之會九兵車之會三九合諸侯一匡天下南至吳越已牂牁順不庚離題黑齒荆夷之國莫違寡人之命注皆南夷國號是齊桓公定霸之時南夷已有牂牁雖不定始於何代要是自周以來即與離題黑齒著號荒服先於莊蹻六七百年不待莊蹻以船牁爲名較然矣

附貴陽志沿革 夫貴陽者禹貢梁州江外之南域也於職方爾雅蓋屬荊州或曰雍州之南裔春秋時爲牂牁國地戰國末爲且蘭國地楚襄王時莊蹻滅且蘭封其支屬仍改名牂牁秦時復爲且蘭國華陽國志云莊蹻泝沅水出且蘭以伐夜郎牂牁船於且蘭夜郎降而秦奪楚黔中地無路得反遂留王滇池以繫船因名且蘭爲牂牁分侯支黨案牂牁之爲國名見於管子不因莊蹻而起故近多疑常氏此言之謬然實不謬也蓋牂牁者繫船之兩種繫牂似羊頭牁如斧柄故異物志云牂牁繫船牁也漢書注亦同又水中有兩山似牂似牁案此說太平御覽因以名山轉以名江故水經注曰牂牁亦江中兩山名也左思吳都賦云吐浪牂牁者也元鼎五年武帝伐南越發夜郎精兵下牂牁國同會番禺是也國處牂牁江之上因以江名名國則

管子所稱是既又改名且蘭矣莊蹻以其有已繫船牂牁牁欲旌其伐故復改爲牂牁常氏之言亦是也水經注亦云且蘭侯國也一名頭蘭牂牁郡治也楚將莊蹻泝沅水伐夜郎牂牁牁繫船因名且蘭爲牂牁矣鄭氏兩說並出蓋以其相扶而不相悖愈足見常氏之說爲不謬若史記漢書皆稱且蘭不稱牂牁則又秦漢之際且蘭仍復舊名因革之常無足怪也

附銅仁志建置 銅仁周屬楚案史記西南夷傳楚威王時使將軍莊蹻將兵循江上畧巴黔中以西蹻至滇池方三百里旁平地肥饒數千里以兵威定屬楚欲歸報會秦擊奪楚巴黔中郡道塞不通乃以其衆王滇變服從其俗以長之華陽志周之季世楚威王使莊蹻泝沅水出且蘭以伐夜郎牂牁牂牁船於是且蘭既克夜郎又降而秦奪楚黔中地無路得返因留王滇池以繫船因名且蘭爲牂牁牁國遂侯支黨傳數百年遵義志謂史記止言莊蹻畧巴黔中以西言蹻伐夜郎自常氏志始以史漢南夷君長夜郎最大語推之意自春秋以後所謂夜郎旁小邑如且蘭漏臥等國必皆受夜郎屬制漢孰與大之問不待見漢使意已如此矣自其地所屬言之則有且蘭諸國范

貴州通志

前事志一

一四

氏所謂各立君長者也統言之則止云夜郎故范氏謂其國東接交趾西有滇國北有邛都國然則蹻畧巴黔中以西皆夜郎國地也當時銅仁在夜郎東南相距不過百里蹻之兵威未不及者其時地之屬蹻可知矣後漢書莊豪從沅水伐夜郎軍至且蘭船於岸而步戰可見且蘭爲沅水所出又可見其疆域必至今沅水上流可通舟楫之處故莊豪水軍得達其地而楸船也沅水即今鎮陽江源出黃平州歷施秉鎮遠又歷青溪溪玉屏入湖南晃州今之泝沅入黔者舟可抵鎮遠城下莊豪時水道當無異然則銅仁實故且蘭境也豪史記作蹻後漢書作豪威王後漢書作頃襄王通志謂威王於周顯王三十年立至四十年薨在位十年後歷顯王八年慎觀王五年至般王三十五年秦取楚巫黔中郡相距四十八年如遺爲威王時事則蹻在漢五十餘年何以淹久不歸再考頃襄王立於般王十六年距秦取地十九年史稱道塞不通其說近是案此文出乾嘉志疑原文作其間莊蹻奉使至滇前漢書仍之後漢書乃作莊蹻秦通滇蹻之說近是下復有至史記作莊蹻者莊蹻是也亦作蹻在後漢書改訂史漢似必有據但太史公去周秦未遠其所記威王及莊蹻亦不遠有誤今從史記作威王莊蹻附載後漢書言蹻頃襄王莊豪備考一節銅仁志節去今仍見之此註以存其舊

滅夜郎顏師古地理志註引華陽國志亦改其文同范書並不如原文爲確蓋其時止降之而已若滅之漢世焉得尙有夜郎且蘭及同並漏臥句町諸侯王乎

附莫與儋都勻府南齊以上地理考 春秋時蓋爲牂牁國地案管子小匡篇南至吳越巴牂牁不與離題黑齒荆夷之國莫遠寡人之命註皆南夷國號然則其時已有牂牁矣華陽志後漢書西南夷傳並謂莊蹻泝沅伐夜郎楸船於岸以且蘭有楸船牂牁處乃名且蘭爲牂牁此乃在其後恐傳聞之辭管子以牂牁與吳越巴荆並言則其國必不小意當時其國必如漢之兩越能役屬羣小國其時大竹未出竹王未生尙無夜郎其國當自巴以西南並夜郎及以南之地幾與南越接故史漢並云道西北牂牁江江廣數里此言接近南越之處又云夜郎者臨牂牁江江廣百餘步此言夜郎境中如此廣遠皆得牂牁之舊其國之廣大可知故漢牂牁郡故地外恐尙有其國地也後雖此國漸微他小國各雄長而故名時存故置郡時以最大之夜郎而不以名郡抑以牂牁又古最大之國耳 周赧王時楚將莊蹻以兵威定

貴州通志

前事志一

一五

屬楚旋自長之案史漢西南夷傳始楚威王時使將軍莊蹻將兵循江上畧巴黔中以西至滇池地方三百里旁平地饒數千里以兵威定屬楚欲歸報會秦擊奪楚巴黔中郡道塞不通因還以其衆王滇變服從其俗以長之華陽國志云蹻泝沅伐夜郎且蘭既克夜郎又降秦奪楚黔中地遂留王滇池考後漢郡國志武陵郡注秦昭王置名黔中郡高帝五年更名是漢武陵郡即秦黔中當即楚黔中漢巴郡即秦巴郡當即楚巴地則貴州一省莊蹻畧地後並屬楚至赧王三十八年秦奪巴黔以後其黎平銅仁鎮遠思南一邊有巴黔中地者屬秦餘府州並莊蹻所長

案此事康乾志及各縣志所書畧同以同本史漢故惟諸書多以意擅改反足淆真如乾志師旅考以史記蹻王滇事書前而節去會楚擊奪黔中語更以白起畧地事書後已屬倒置黎平志倒置與乾志同又未節去擊奪語顯然抵牾又其書年以赧十六與頃襄二十二連書尤謬 原文周赧王三十八年下連書頃襄六年何以爲二十二年以二十一年當三十八年則公認誤 興義志以蹻滅夜郎繫赧三十八頃襄使蹻繫之三十五已屬杜撰年月況滅夜郎

者已從史漢作蹻矣復從後書云時在頃襄 原文周赧王三十八年楚將莊蹻王使莊蹻伐夜郎國周赧王三十五年楚頃襄亦不免擅改史舊至安順志同一本末而蹻豪並出銅仁志其地當屬黔中而攪入夜郎似皆未審至黎志本條註載杜光庭錄異記廩君事謂所王地後以置黔中郡考廩君事寰宇記太平御覽各書同載然說近不經且求詳當讓湘湖或苗蠻茲故畧去

三十九年楚復取黔中地

秦昭襄王三十一年楚人反我江南 原註正義云黔中郡反歸楚 記

楚襄王二十三年楚王收東地 原註正義云黔中郡反歸楚 記

邑爲郡以拒秦 原註正義云黔中郡反歸楚 記

案秦紀昭襄二十七年司馬錯攻楚黔中拔之正義今黔府也三十年蜀守若伐取巫及江南爲黔中郡正義括地志黔中故城在辰州沅陵縣西二十里江南今黔府亦其地 見上張守節唐開元時人所云今黔府當即黔州都督府蜀漢後涪陵郡地然則秦初所置黔郡地殆廣漠實兼後武陵涪陵地而有之又據此則黔府地入秦當在始皇二十四年楚滅後

貴州通志

前事志一

一六

秦

始皇二十七年分天下爲三十六郡銷兵器徙富豪於咸陽始置黔中郡 黎平志

案分三十六郡秦紀及通鑑書在二十六年六國表在二十七年輯覽始從表輯覽及紀鑑載三十六郡名有巴蜀黔中無始置文又前漢地理志巴郡領縣有涪陵不註置立其序云漢興因秦制度是秦時涪陵殆隸於巴而隸爲牂牁則隸蜀

秦通五尺道置夜郎更尋廢 康志

秦時常額 漢書西南夷傳 畧通五尺道諸此國頗置三十餘歲秦滅 史記西南夷傳

莊蹻分侯支黨傳數百年秦并蜀通五尺道置更主之漢興遂不賓 華志南

遵志原案云史記正義括地志五尺道在郎州漢書注師古曰其處險阨故道纔廣五尺秦通此道後十餘歲而滅則在稱帝之初

附貴陽志沿革 牂牁秦時復爲且蘭國始皇又因國置縣秦亡縣廢太平寰宇記云唐播州夷州費州莊州即秦且蘭夜郎之西北隅又西高州有夜郎縣牂州建安縣有古夜郎城據樂史此言是秦有且蘭夜郎二縣所謂諸

此國頗置吏焉者也唐書夷州寧夷縣武德四年析置夜郎縣貞觀元年省今石阡府屬彰司西六十里有故夜郎城即此亦即樂史所云建安縣有故夜郎城者蓋秦舊縣也唐時夷州治綏陽播州治遵義費州治涪州元和郡縣志寧夷縣西北至夷州一百九里夷州西南至播州二百四十里東至費州三百里費州西南至播州四百里播州東北至費州四百里由是言之播夷費古夜郎西北也莊州應在今定番之北四十里故且蘭即元之光蘭在大塘城左右是莊州實且蘭之西北秦置且蘭夜郎之明證又案秦夜郎與漢夜郎異秦夜郎亦與竹王興逐水者異言地者又不可不知也

附大定志置土 十道記播州秦夜郎西南境是秦有夜郎縣也山海經濛水出漢陽西入江潏陽西濛水即木空河烏江之北源也故知漢陽爲今大定府地山海經言諸水所出近人考證多以爲秦人所作故知漢陽縣爲秦人置也史記漢書皆言秦通五尺道諸此國頗置吏焉故知秦已於南中置縣也

附安順志牂牁夜郎二國本末 秦略通五尺道夜郎且蘭諸國頗置吏焉

貴州通志

前事志一

一七

其可考者有夜郎縣漢陽縣皆署夜郎國地置也夜郎縣治今桐梓故夜郎城賈耽所云播州秦夜郎之西南隅者是其疆域有今遵義府西包黔西而連大定也漢陽縣治今水城之北有今平遠畢節連永寧威寧而至昭通五尺道括地志謂在郎州則自今遵義南出之道也然是時夜郎侯自治今興義泗城間紅水江上故史記云夜郎者臨牂牁江江廣百餘步足以行船今紅水江在冊亨地可以行船遠通番禺是其證矣十餘歲秦滅漢興棄諸國而關蜀以徵陽關符關汾關以南蓋無中國之迹諸縣悉廢惟巴蜀民或出商賈取其筏馬焚燬髦牛以致殷富云

案寰宇記云建安縣屬牂州漢牂牁國也又漢陽縣前漢地理志屬犍爲註

云山關谷漢水所出東至暨入延

三十三年畧取南越地置象郡

三十三年發諸管通亡人贅婿賈人爲兵畧取南越陸梁地置桂林南海象郡以誦徙民五十萬戍五嶺與越雜處

遼志原按南越即百越亦曰揚越俱見史記漢書注云南越華姓與楚同祖

國語曰華姓蠻越是也山海經云沅水出象郡此條據畢氏考證爲漢人水經並非三代舊文是知貴州之平越州都勻府皆古越地秦之象郡地漢昭帝元鳳五年紀有罷象郡分屬鬱林牂牁之文是其明證華陽國志言蜀國地南接於越東接於巴越即自象郡分爲牂牁地參稽諸說可見今貴州貴陽以南古越國之西北境秦象郡之東北境貴陽以北古蜀國秦蜀郡之東南至漢始漸割以成牂牁耳

附莫與儒都勻府南齊以上地理考 都勻周末蓋爲百越地案華陽志南中志云南中在昔蓋夷越之地其蜀志言蜀國之境則云東接於巴南接於越其南中爲牂牁平夷夜郎晉寧建寧平樂朱提南廣永昌雲南河陽梁水興古西平十四郡則貴州一省除倚東一邊諸府有巴黔中地外大要皆古越地而巴志言巴境云西至焚道南接涪陵又於巴郡所分之涪陵郡云南接武陵西接牂牁而蜀志又云漢祖雖王有巴蜀南中不賓也六年始分置廣漢郡武帝元鼎六年分廣漢置犍爲郡元封元年分犍爲置牂牁郡巴志亦云高帝分巴置廣漢郡孝武帝又兩割置犍爲郡故世曰分巴割蜀以成

貴州通志

前事志一

一八

犍廣也考漢牂牁諸縣犍爲故犍爲郡治南中志有明文則此縣爲自犍爲割入牂牁之一犍當今遵義府之正安州遵義桐梓綏陽及平越州之湄潭石阡府之龍泉等縣地其西之仁懷縣仁懷廳有犍爲符地東之思南一府有巴涪陵地此縣左右巴黔適邊烏江赤水其南之且蘭爲後所開則此縣及西之有符地者皆當爲自蜀郡分出之地爲昔蜀國蜀郡之東南徼又暨西南之平夷當今貴陽府之開州修文縣及大定地者其西有犍爲南廣地北有漢陽地而南接夜郎此縣亦當與暨同爲蜀故徼其東有巴涪陵地者即昔巴郡巴國之西南徼而有漢武陵郡地之銅仁思州兩府即昔之黔中並屬秦其餘烏江以南都勻興義安順諸府及貴陽鎮遠石阡諸府平越之半皆爲越地其黎平府及鎮遠之半爲秦漢犍成者漢雖屬武陵而秦屬象郡見山海經則亦非黔中地越即百越淮南子使尉屠睢發卒五軍與越人戰殺西嘯君譯呼宋蓋即秦取百越事西嘯即史記以財物賂遺之西嘯蓋百越屬矣師古漢書註西嘯即略越也 秦置象郡後蓋爲象郡地案通鑑秦始皇三十三年畧取南越地置象郡賈誼書南取百越之地以爲桂林

漢 高祖

高祖五年以象郡地封吳芮

詔曰故衡山王吳芮與子二人兄子一人從百粵之兵以佐諸侯誅暴秦有大功諸侯立以為王項羽侵奪之地謂之番君其以長沙豫章象郡桂林南海立番君為長沙王

案史記項羽本紀云芮率百越佐諸侯又從入關故立芮為衡山王都邾高祖本紀云徙衡山王吳芮為長沙王都臨湘番君之將梅鋗有功從入武關故德番君云云不言以象郡封之又象郡前已云入趙佗矣何此忽以封芮或當為象郡北地之一部歟

改黔中郡為武陵郡

乾志建武原改

武陵郡高帝立領縣十三鐔成無陽辰陽酉陽充等縣屬之

陽七 前志

武陵郡秦昭王置名黔中郡高祖五年更名

後志

秦昭王使白起畧取蠻夷始置黔中郡漢興改為武陵歲令大人輸布一匹小

貴州通志

前事志一

一九

以國名者如夜郎句町漏臥者非一而且蘭一縣兩漢志皆書故且蘭或者謂此縣先置在南夷兩縣中屬犍為後其國反平為牂牁郡復其舊縣因有故稱抑安知非置此縣時猶用秦象郡屬縣之故名歟 秦漢之際象郡地為南越王趙佗所併蓋屬佗案史記南越王尉佗傳秦已破滅佗即擊並桂林象郡自立為南越王又西南夷傳南越以財物役屬夜郎西至桐師然亦不能臣使也又云夜郎始倚南越南越已滅會還誅反者夜郎遂入朝是漢武未開南越以前貴州有秦象郡之地皆並於南越之證自秦亡至武帝使唐蒙喻多同還報凡七十餘年

二世三年南越王趙佗擊象郡等地取之

南越王尉佗者真定人也姓趙氏秦時用為龍川令至二世時南海尉任囂病且死召佗行南海尉事囂死佗即移檄告浦陽山湟溪關曰盜兵且至急絕道聚兵自守因稍以法誅秦所置長吏以其黨為假守秦既破滅佗即擊并桂林象郡自立為南越王高帝已定天下為中國勞苦故釋佗弗誅

前事志二

漢高祖五年

史記

貴州通志

前事志二

二〇

口二丈是謂寶布

後志

荊州六國時其地為楚秦取楚郡鄧為南郡又取巫黔中地為黔中郡滅楚之後分黔中為長沙郡漢高祖分長沙為桂陽郡改黔中為武陵郡

舊地

荊州刺史漢治武陵武陵太守前漢書地理志高帝立續漢書郡國志云秦昭王立名黔中高帝五年更名本屬荊州

案州

案輿地廣記總表於漢列辰沅靖黔錦獎入荊州乾隆志建置云思州思南

鎮遠黎平銅仁秦黔中郡漢武陵郡地嘉慶重修清一統志同今考莫與儔

剛水考云自鎮遠台拱廳清江通判天柱及湖南靖州倚黎平之通道縣及

黎平一府除古州廳外皆漢鐔成縣地洪亮吉沅水考云鐔成今開泰天柱

等縣畢沅註山海經沅水出象郡鐔成西云此秦人書也云象郡疑秦時此

縣屬象郡此云鐔成建縣之始也

中從鐔成縣於此案情志始就其地非

指屬又無陽莫氏且蘭故地考云當鎮遠府鎮遠縣思州一府及湖南晃州

廳靖州之會同沅州之芷江縣一帶

清統志引水經註謂黔中縣屬沅州

漢陽郡屬武陵郡秦之黔中郡也

陽令唐蒙風讖南粵南粵食蒙蜀枸醬蒙問所從來曰道西北牂牁江江廣數里出番禺城下蒙歸至長安問蜀賈人獨蜀出枸醬多持竊出市夜郎夜郎者臨牂牁江江廣百餘步足以行船南粵以財物役屬西至牂師然亦不能臣使也蒙迺上言說上曰南粵王黃屋左纛地東西萬餘里名爲外臣實一州主今以長沙豫章往水道多絕難行竊聞夜郎所有精兵可得十萬浮船牂牁出不意此制粵一奇也誠以漢之強巴蜀之饒通夜郎道爲置吏甚易上許之乃拜蒙以郎中將

劉攽曰當作中郎將下開將千人食重萬餘人從巴笮關入遂見夜郎侯多同

士聞風舉燧燔皆擲弓而馳荷兵而走流汗相屬惟恐居後觸白刃冒流矢義不反顧計不旋踵人懷怒心如報私讎彼豈樂死惡生非編列之民而與巴蜀異主哉計深慮遠急國家之難而樂盡人臣之道也故有剖符之封析珪而爵位爲通侯居列東第終則遺顯號於後世傳土地於子孫行事甚忠敬居位甚安佚名聲施於無窮功烈著而不滅是以賢人君子肝腦塗中原膏液潤野草而不辭也今奉幣役至南夷卽自賊殺或亡逃抵誅身死無名諡爲至愚恥及父母爲天下笑人之度量相越豈不遠哉然此非獨行者之罪也父兄之教不先子弟之率不謹也寡廉鮮恥而俗不長厚也其被刑戮不亦宜乎陛下患使者有司之若彼悼不肖愚民之如此故遣信使曉喻百姓以發卒之事因數以不忠死亡之罪讓三老孝弟以不教誨之過方今田時重煩百姓已親見近縣恐遠所谿谷不徧聞檄到亟下縣道使咸知陛下之意勿忽也相如還報唐蒙已畧通夜郎因通西南夷道發巴蜀廣漢卒作者數萬人治道二歲道不成十卒多物故費以巨萬計蜀民及漢使者多言其不便

記史

漢興牂牁不賓有竹王者興於遼水有一女子浣於水濱有三節大竹流入女

子足間推之不肯去聞有兒聲取持歸破之得一男兒長養有材武遂雄夷狄氏以竹爲姓捐所破竹於野成竹林今竹王祠竹林是也王與從人嘗止大石上命作羹從者曰注後漢書無水王以劍擊石水出今王水注後漢書竹字是也破石存焉後漸驕恣武帝使張憲至大夏國見叩竹蜀布問所從來曰吾賈人從身毒國得之身毒國蜀之西國今永昌是也憲以白帝東越攻南越大行王恢救之恢使番陽令唐蒙曉諭南越人食有蒟醬蒙問所從曰牂牁來蒙亦以白帝因上書請通夜郎道爲置吏主之帝乃拜蒙中郎將發巴蜀兵千人奉幣帛見夜郎侯喻以威德爲置吏旁小邑皆貪漢繒帛以爲道遠漢終不能有也故皆且聽命司馬相如亦言西戎戎邦笮蜀之後國可置爲郡帝既感叩竹又甘蒟醬乃拜蒙爲中郎將往喻意皆聽命後西南夷數反發運役費甚多相如知其不易也乃假巴蜀之論以諷帝且以宣旨便於百姓卒開犍門通南中

貴州通志

前事志二

二三

武帝因文景之富卽位數年蕭然煩費唐蒙司馬相如始開西南夷鑿山通道千餘里以廣巴蜀巴蜀之民罷焉其後又通西南夷原皆道作者數萬人千里負擔餽餉率十餘鍾致一石散幣於叩焚以輯作平之數歲而道不通蠻夷因以數攻更發兵誅之悉巴蜀賦不足以更之乃募豪民田南夷入粟縣官而內受錢於都內食貨志

漢祖自漢中出伐楚蕭何發蜀漢米萬船給助軍糧收其精銳以補傷疾雖王有巴蜀南中不賓也高祖六年始分置廣漢郡元鼎漢志注當作建元見上六年分廣漢置犍爲郡志

犍爲郡孝武建元六年置時治營屬縣十二戶十萬營故犍爲地是也營有犍山見保乾圖武帝初欲開南中令蜀通犍青衣道建元中犍道令通之費功無成百姓愁怨司馬相如諷諭之使者唐蒙將南入以道不通執令將斬之嘆曰忝官益土恨不見成都市蒙卽令送成都市而殺之蒙乃斬石通閣道故世爲諺曰思都郵斬令頭云後蒙爲都尉治南夷道元光五年郡移治南廣案洪亮

有健山今考營縣未嘗爲犍爲云云犍爲郡治也縣

唐蒙請通夜郎道上許之乃拜蒙爲中郎將將千人食重萬餘人從巴符關入原註案史記漢書作符關水經江水注引之作符關遂見夜郎侯多同厚賜諡

以威德約爲置吏還報題以爲犍爲郡郡治營即秦夜郎縣之舊疆也其所轄蓋有南廣漢陽朱提郁郅堂琅而平夷且蘭毋欽同放漏江夜郎談指同勞之屬亦在焉自且蘭毋欽以外皆夜郎國之分也漢陽因秦舊而平夷蓋分漢陽之東今畢節大定是其地也安順志案此說全出應度姑錄存

遼志原案華陽國志蜀志犍爲郡下曰孝武建元六年置時治營漢書地理志亦云犍爲郡武帝建元六年開通鑑輯覽獨繫置犍爲於元光五年蓋以史漢言唐蒙還報以爲犍爲郡卽繼之曰發巴蜀卒治道武帝紀發巴蜀卒治道在元光五年夏也苟悅漢紀亦同由元光五年上溯建元六年中隔四年唐蒙以建元六年使南越又歸至長安乃上書說上乃以蒙爲中郎將蒙又諡約夜郎還報乃置犍爲必非一二年事愈知犍爲之置必在元光四五年冬春間矣史漢西南夷傳之建元特舉始事之由漢志以屬竟事而華陽志誤襲之故皆不從 又案通鑑輯覽註犍爲初治營今遼義府遼義縣地是夜郎今貴州以西南諸府地古爲夜郎國漢置縣唐始移縣於珍州今遼義縣桐梓縣是牂牁江卽古鬱水其上流爲今貴州之盤江逕廣西南寧

貴州通志

前事志二

二四

府爲左江至潯州府合右江卽黔江亦導源貴州入廣東境爲西江下番禺入海又考犍屬有符縣卽接營之西北境今貴州之仁懷四川之合江二縣是其地路史以營爲營令國故牂牁縣有營水在國名紀雜國上

案史漢相如傳曰相如使叩作時著書藉難蜀父老爲辭而已詰難之以風天子其辭曰漢興七十有八載考漢自高帝元年乙未至武帝元光五年辛亥適七十七年相如爲此書時已在諡蜀還報之後當係置犍爲之次年故曰漢興七十有八載也遼志說自確又漢書公孫弘傳弘以元光五年徵賢良文學策奏天子始使往觀巴蜀視巴

八月使留川公孫弘往視巴蜀夜郎道史記

當是時巴蜀四郡原註四郡蜀郡犍爲巴鑿山通西南夷千餘里戎轉相餉數歲道不通土罷餓離暑濕死者甚衆西南夷又數反發兵與擊費以巨萬計而無功上患之詔使公孫弘視焉還奏事盛毀西南夷無所用上不聽漢書

案巴蜀四郡前漢書徐廣註作漢中巴廣漢蜀與鑑註異當以鑑說爲是六年南夷始置郵亭史記將和

貴州通志

前事志二

二五

附安順志牂牁夜郎二郡本末 蒙所通南夷道咸置郵亭大事表曰元光六年南夷始置郵亭是矣自楚道指牂牁江則自今敘州經永寧畢節水城郎岱鎮寧永寧貞豐册亨放平紅水江上之道也通西南夷道弗通者蓋阻於滇東北勞深險莫之屬自今畢節經威寧宣威而止於南寧耳常璩曰焚道南廣有八亭道通平夷鄯道元曰唐蒙鑿石開閣以通南中迄於建甯二千餘里山道廣丈餘深三四丈其鑿鑿之迹猶存即是南夷西南之二道云蒙之爲犍爲都尉也慈治夜郎南夷夜郎兩縣即且蘭夜郎也犍爲郡自保就則暨平夷漢陽南廣朱提近北諸縣皆不廢也

元朔三年秋罷西南夷

三年春以公孫弘爲御史大夫是時方通西南夷東置蒼海北置朔方之郡公孫弘數諫以爲罷敝中國以奉無用之地願罷之天子使朱買臣等難以置朔方之便發十萬弘不得一弘乃頓首曰山東鄙人不知其便若是願罷西南夷蒼海而專奉朔方上乃許之秋罷西南夷獨置南夷夜郎兩縣一都尉稍令犍爲

自葆就

南夷傳

案紀云罷西南夷傳云罷西夷獨置南夷兩縣一都尉紀擗其綱傳詳其目故微異耳康志以罷西夷作元光五年事誤西夷當亦與黔無關貴陽安順興義志以置夜郎且蘭二縣作建元六年夜郎降後事史亦無明文似不如據此爲確

若果往論時縣即

元狩元年遣博望侯張騫因蜀犍爲發間使四道並出指求身毒國於是始通滇國乃復事西南夷

竊曰臣在大夏時見印竹杖蜀布問安得此大夏國人曰吾賈人往市之身毒國身毒國在大夏東南可數千里其俗土著與大夏同而卑濕暑熱其民乘象以戰其國臨大水焉以爲度之大夏去漢萬二千里居西南今身毒又居大夏東南數千里有蜀物此其去蜀不遠矣今使大夏從羌中羌人惡之少北則爲匈奴所得從蜀宜徑又無寇天子欣欣以爲然乃令因蜀犍爲發間使四道並出出驪出犍出徙邛

宋祁曰新本出焚皆各行一二千里其北方開氏

貴州通志

前事志二

二六

南方開闢昆明 在滇南今屬南寧府也 昆明之屬無君長善寇盜輒殺畧漢使終莫得通然聞其西可千餘里有乘象國名滇越而蜀賈問出物者或至焉於是漢以求大夏道始通滇國初漢欲通西南夷費多罷之及騫言可以通大夏復事西南夷 案傳 元狩元年博望侯張騫使大夏來言居大夏時見蜀布印竹杖使問所從來曰從東南身毒國可數千里得蜀賈人市或聞邛西可二千里有身毒國蹇因盛言大夏在漢西南幕中國患匈奴隔其道誠通蜀身毒國道便近有利無害於是天子乃令王然于柏始昌呂越人等使問出西夷 漢書作西指求身毒國至滇滇王嘗羌乃留爲求道西十餘輩歲餘皆閉昆明莫能通身毒國滇王與漢使者言曰漢孰與我大及夜郎侯亦然以道不通故各自以爲一州主不知漢廣大使者還因盛言滇大國足事親附天子注意焉 案傳 案騫使大夏見印竹杖蜀布事南中志敘在唐蒙事前據史漢西南夷傳及張騫傳則故今年事騫傳云因騫言乃復事西南夷足徵唐蒙事實在前華志敘述偶誤輯覽通鑑均從史漢

元鼎五年且蘭君反

貴陽志

夏四月南越王相呂嘉反秋遣越馳義侯遺 越人也 別將巴蜀罪人發夜郎兵下牂牁江會番禺 漢書

南越反上使馳義侯因犍爲發南夷兵且蘭君恐遠行旁國虜其老弱乃與其衆反殺使者及犍爲太守漢猶發巴蜀罪人營 案現有漢書本仍作營擊南越者八校尉擊破之 南夷傳

六年且蘭國滅初置牂牁郡領縣十七故且蘭鍾封暨平夷同並談指宛溫母欽夜郎母單漏江談桑句町等縣屬之 外有西甯都 志

元鼎六年冬南越破馳義侯遺兵未及下上便令征西南夷平之遂定西南夷以爲武都牂牁越嶲沉黎汶山郡 武

越已破漢八校尉不下即引兵還行誅頭蘭 前漢書 頭蘭嘗隔滇道者也遂平南夷爲牂牁郡夜郎侯始倚南越南越已滅會還誅反者夜郎遂入朝上以爲夜郎王南越破後及漢誅且蘭邛君並殺犍侯冉駹皆震恐請臣置吏乃以邛都爲越嶲郡犍爲沉黎 漢書 犍爲沉黎郡冉駹爲汶山郡廣漢白馬爲武都郡 南夷傳

案詳柯郡治故且關
轉覽註在今平越縣

元鼎六年平南夷爲牂牁郡夜郎侯迎降天子賜其王印綬後遂殺之夷獠咸以竹王非血氣所生甚重之求爲立後牂牁太守吳霸以聞天子乃封其三子爲侯死配食其父今夜郎縣有竹王三郎神是也後漢書
相如持節開越嶺按道侯韓說開益州武帝轉拜唐蒙爲都尉開牂牁以重幣喻告諸種侯王侯王服從因斬竹王置牂牁郡以吳霸爲太守及置越嶺朱提益州四郡後夷獠阻城咸怨訴竹王非血氣所生求立後嗣霸表封其三子列侯死配食父祠今竹王三郎神是也志

元封元年分犍爲置牂牁郡華志

元鼎五年衛尉路博德等破南越及韓說破東越并破西南夷置十餘郡史記

十道志九州志曰夜郎自古非臣伏州郡之地漢武帝開拓南邊始置夜郎縣屬牂牁郡牂牁郡都尉居之太平御覽

多雨潦今有古城在郡牂牁郡志西郎漢未伏之時所保於此實字

自莊驕滅且蘭封其子弟爲且蘭君而且蘭諸國悉有邑君長漢武用師且蘭

貴州通志

前事志二

二七

莊氏滅絕其間邑君長蓋未嘗盡滅也已而吳霸又表夜郎竹王三子爲侯

元鼎六年夜郎侯入朝封爲王始於其地置牂牁郡郡談指縣漏江縣原註

志并云今郡地漢爲牂牁郡郡談指縣漏江縣原註

安南漢談指縣地漢爲牂牁郡郡談指縣漏江縣原註

都尉唐蒙擊殺夜郎竹王牂牁太守吳霸請爲立竹王後其案

侯註云案竹王自王之地爲今郡地其子所封之地即皆不在今郡地其

在漢之置縣即今桐梓縣是也詳漢志其子所封之地即皆不在今郡地其

後明金氏筑安撫使金氏即其從之與義

按夜郎有三當由遷徙沿革與志因侯三子說恐未確又三子封地惟詳二

子餘一子封土何居說實粗疏不可從姑錄之

唐蒙之爲都尉也諸種侯王服從惟竹王不從南越反上使馳義侯遺因犍爲

發南夷兵且蘭君恐遠行旁國屬其老弱乃與其衆反殺使者及犍爲太守漢

乃發巴蜀罪人以屬當擊八校尉者擊破之會越已破八校尉不下引兵誅頭

蘭遂平南夷蒙因與之斬竹王時元鼎六年也於是分犍爲置牂牁郡益之以

犍爲之營平夷又仍置犍爲郡以廣漢地益之案華志武帝又兩割犍爲郡

日分巴蜀郡以成犍爲郡志云元鼎六年分犍爲置牂牁郡元封元年分犍爲

貴州通志

前事志二

二八

又續錄南中志後漢書竹王與邇水文於此似皆未合茲故改置或節去之

又遙志照武紀書置越嶺牂牁等郡於此下復出華陽志蜀志分犍爲置牂

牁文於元封元年雖其案語已有辨析其案云史漢言牂牁郡在元鼎六年

此年當自去冬然終嫌一綱兩出故亦移置又牂牁郡屬縣考鄭氏牂牁十

六縣問答以爲今貴州鎮遠一府及貴陽府之龍里貴定兩縣平越州之甕

安餘慶兩縣都勻府之麻哈州清平縣石阡府之烏江以南境皆且蘭地

自元和志以播州爲且蘭後人今都勻一府除清平麻哈不在外兼黎平之

古州及廣西接古州荔波皆無餘縣地今貴州大定府畢節縣黔西平遠兩

州及貴陽府之開州修文縣皆平夷縣地其大定畢節黔西之北境接四川

永寧一帶則漢陽縣南境地今貴州安順一府又貴陽府之長寨及定番廣

順二州貴筑一縣皆夜郎地今興義府興義縣貞豐州及羅斛册亨捧蚌以

及廣西西隆州皆談樞縣地案談樞後漢書郡國志華陽志今雲南曲

靖府之羅平州貴州興義府之募役司普安州皆母單地今大定府之威寧

州興義府之普安縣安南縣皆談藁地鎮封當在廣西太平府鎮安府之間

微巴志蜀志文誤李故地地理志是正之又漢書地志亦與華志之
地志說合安順志仍置犍爲爲益以廣漢地尋語不知出自何書殆誤
元鼎六年冬牂牁侯遣使詣天子求立後牂牁太守吳霸以聞天子
郡治故且蘭折夜郎故且蘭折夜郎故且蘭折夜郎故且蘭折夜郎故
越不純屬漢至是南越滅且蘭又誅夜郎侯遂入朝上以爲夜郎王元封二年
滅勞深靡莫皆滇王同姓也滇王懼入朝乃置益州郡以牂牁地益之益州郡
案續古二縣安順志牂牁郡夜郎侯
案續古二縣安順志牂牁郡夜郎侯
案續古二縣安順志牂牁郡夜郎侯

華陽國志文案漢書其夜郎侯降封王不言殺之至成帝時猶謂之夜郎王
曄焉得云竹王被殺後封其子爲侯與班文全乖自疑華陽國志爲怪誕也
大抵范曄多稱詭異若無他書可以辨證則且因習纂錄不復刊革之也云
云查班范全乖具如實字記所言乃本省志因二書文異更以已意纂合遂
使二書之外又生異說如康熙志以夜郎侯多同爲王吳霸請封其三子爲
侯而節去殺竹王事安順志既錄斬竹王事又錄封夜郎侯爲王事一若夜
郎侯竹王各爲一人者文具錄見上今案南中志原文以竹王與邇水文事
據漢書從之故上云夜郎者下接敘遵義志已錄史漢唐蒙見多同事於前

一九

正山崖門之西今仁懷地昔符綵城由發川而北平夷今大定畢節黔西
 正少而東北皆沿陵極南之境不在營縣限內
 平遠地文云安樂水即今赤水則平夷必在赤水之上流又籍陽志朱提郡
 通大定縣也自焚道南廣只八亭可見今貴夜郎今歸化以南貞豐羅斛及
 州大定縣而西平遠南廣只八亭可見今貴夜郎今歸化以南貞豐羅斛及
 廣西泗城府地文云夜郎至西會入海過郡四行四千三百里廣封溫水東
 平廣入樽句町支象志東至增食入帶水經溫水即濕水也其言曰溫水
 出夜郎縣又東至帶水林廣志東至增食入帶水經溫水即濕水也其言曰溫水
 和志諸縣則今廣西潯州太平思恩撫州府所屬州縣地由其所以考
 之則潯水爲今西潯江審矣下考潯水也亦北潯水是則唐人咸以西潯水
 在縣北木群柯河俗呼潯林江即潯水也亦北潯水是則唐人咸以西潯水
 江爲潯水也潯水別源出酒城縣古夜郎界矣自北潯注誤以潯
 水爲群柯江即今紅水江故今人之苦酒城縣者亦潯水所出之地以爲
 立行縣至夜郎同亭又王莽改夜郎爲新酒城縣亦夜郎也漢書非柯太守陳
 遠其地又夜郎有竹王林唐書盧鹿部保竹子嶺在今歸化縣內當即竹王
 林則今歸化以南貞豐羅斛南連廣西之酒城府皆漢夜郎地其治蓋在歸
 化也談指今郎岱水城鎮寧永興興義地文不泮江有僚氣籍陽志云王逕
 分夜郎以南爲夜郎郎領夜郎指二縣宋書云夜郎太守王逕分群柯宋
 從建甯立案今畢節永甯皆朱提郡漢屬縣也威甯爲建甯郡地談指
 二部之界則今郎岱水城鎮寧永甯皆與焉同竝潯江當是普安廳普安縣母
 皆是其治蓋在與焉於歸化爲西兩也
 欽以剛水定之今獨山荔波南丹那地東蘭皆是又謂且蘭或曰在今定番

110

地理考云案漢志武帝分天下爲十三郡改梁曰益晉書地理志漢初有漢中巴蜀高祖六年分蜀置廣漢武帝開西南夷更置牂牁越嶲益州凡八部遂置益州統焉益州蓋始此也是後貴州一省有牂牁郡地者貴陽府之龍里貴定兩縣平越一州之甕安餘慶兩縣鎮遠府之施秉黃平州石阡府在烏江南岸之境及都勻北半府並且蘭縣地都勻南半府及黎平之古州廳並毋欽縣地貴陽府之開州修文及大定一府並平夷縣地遵義大半府及石阡府平越州在烏江北兩縣並營縣地貴陽府之貴筑縣定番廣順兩州長寨同知安順一府並夜郎縣地興義府普安廳及安順近南之境並談指縣地有犍爲郡邊地者遵義府之仁懷縣及仁懷廳有符縣地大定府之威寧州西境微有南廣縣地畢節縣北境微有漢陽縣地有巴郡地者思南一府及遵義府之正安州東北隅並涪陵縣地並屬益州有武陵郡地者黎平大半府及鎮遠之台拱同知清江通判天柱縣並鐔成縣地鎮遠府之鎮遠縣及思州一府並無陽縣地銅仁一府及松桃廳並辰陽縣地屬荊州終兩漢之世又營縣乾隆府廳州縣圖志謂在畢節平夷清統志謂在仁懷縣西

南錢氏謂在安順城南談指方輿紀要及地理今釋謂在桐梓西南宛溫近人等典謂在今盤州西一百里此外尙有大定志播土齊氏召南水道提綱陳氏遺西南水道考諸家之說考辯百岐茲特就各志指爲黔地者錄入非特存故亦實難確定也

附目同亭集牂牁江考正 史漢皆言楚威王使莊蹻將兵循江上畧巴蜀黔中以西至滇池因留王滇後歷秦至漢建元中唐蒙食蜀枸醬詢知道西北牂牁江廣數里出番禺城下復至長安問蜀賈曰夜郎者臨牂牁江江廣百餘步足以行船乃從巴峽關入見夜郎侯多同約爲置吏以爲犍爲郡發巴蜀卒治道自犍道指牂牁江是史漢不載夜郎國之始華陽國志乃云楚威遣莊蹻泝沅出且蘭以伐夜郎且蘭既克夜郎又降無路反蜀留王滇又以牂牁繫船因名且蘭爲牂牁國史漢皆言循江而常志言泝沅史漢言畧巴蜀黔中以西至滇常志言出且蘭以伐夜郎常志言改且蘭爲牂牁史漢亦無其事說既歧誤考牂牁古國見於管子小匡篇在臨前四百餘年又既云改且蘭爲牂牁矣而史漢又狩元年馳義侯因犍爲發南夷兵征南

貴州通志

前事志二

三二

越且蘭反入殺尉還誅頭蘭乃平南夷爲牂牁郡何此時尙有且蘭也則常志之說不足據也

又常志始言夜郎降於莊蹻後言漢興竹王興於遼水是竹王前已有夜郎意竹王者不過夜郎國中後起之酋帥所謂牂牁諸種侯王之一耳（莫與僂牂牁考大竹未出竹王未生尙無夜郎國說亦誤）武帝時唐蒙通道已聽命置吏後乃斬竹王置牂牁郡又以夷漢阻怨求爲立後乃表封其子列侯而成帝河平中夜郎王興與鉤町王禹漏臥侯愈相攻牂牁太守陳立討斬興是竹王誅後夜郎王仍在也即云牂牁置郡而竹王仍受漢封亦只稱列侯不得言夜郎王且竹王誅滅於武帝時而夜郎王之誅滅則在成帝時竹王與夜郎王必非一人審矣（安順府志綴爲夜郎有四之說亦求其故不得從而爲之辭耳）

范書言西南夷原本常志乃始以夜郎託始於竹王首言夜郎者初有女子浣於遼水有三節大竹流入足間剖視得男長有才武自立爲夜郎侯武帝元鼎六年平南夷爲牂牁郡夜郎侯迎降賜其王印綬後乃殺之然其後又

有初楚頃襄王時遣將莊豪從沅水伐夜郎軍至且蘭檣船於岸而步戰既滅夜郎云云莊豪即莊蹻（張澍云豪蹻古字通雲南志謂豪爲蹻裔無据之說）豪前既有夜郎是夜郎立國不始於漢興而莊蹻已滅夜郎又安得以夜郎託始於竹王也常志亦不言竹王自立爲夜郎侯而夜郎王興成帝時始誅滅已如前說與竹王絕非一人蓋常志不過雜采衆說范書乃以之牽合史傳而不自知其說之矛盾顧緣此誤而牂牁江究爲今何水乃啓後來無限糾紛矣

自來論牂牁江者約有數說

以烏江爲牂牁江者田雲黔書云且蘭即今遵義夜郎即今桐梓則牂牁江即烏江自遵義迤邐至印江入思南城西之巴江水其地有牂牁城舊地漢牂牁守陳立據思邛詔夜郎王將兵破之牂牁舊治既在思南則牂牁江宜在思南而其檣船之處不在巴江亦必在印江張澍續黔書云班史以牂牁爲楚莊豪伐夜郎檣船處（按班無莊豪伐夜郎之文蓋范書之說）漢初即於是地置牂牁郡特以地居荒服桑欽鄧道元輩未嘗一問津宜其於江

貴州通志

前事志二

三二

流瑯委畧而不詳後人或以七星關水當之或以盤江當之或以定番之濠潭當之夫七星關之水固東出烏江下注可渡河矣可渡發源金沙江至四川之敘州與岷江合入於東海非若盤江之從粵入南海也且盤江兩山夾峙波濤湍激蛟龍魚鼈之所不窟而謂可操舟邪若定番之濠潭涓滴流也漢置犍爲郡發巴蜀卒治道從犍道指牂牁江今播州夜郎地犍道又與播近則牂牁江即烏江無疑按史漢皆言牂牁江廣數里出番禺城下光武時牂牁大姓且由此道番夷入貢烏江東北至涪陵入大江不出番禺城下田張之說可無辭費矣至田謂且蘭即今遵義夜郎即今桐梓說亦非是遵義漢置縣非且蘭又或據賈耽播州秦夜郎之西南隅及秦畧五尺道頗置吏之說謂今桐梓當爲秦夜郎姑無論秦時夜郎如何而漢夜郎地則在安順興義間去桐梓絕遠且誤以陳立討平夜郎爲立据思邛詔夜郎王將兵破之云云而張壽穀氏以可渡爲金沙江發源合岷江入海不知可渡河北盤江之上源也其他抑又可知矣

以濠江爲牂牁江者郭子章黔記云定番思源出濠潭流入破盤至泗城州

即古牂牁江牂牁大姓由此經番出入貢黃宗義今水經曰牂牁江有二源均出程番府一自金筑司北爲麻線河今日格必河至泗城西境爲七曲江過廬山東經洪番方番至章番司南爲大章河一自上司馬場河今日連江東北流經小程番盧番北境南流繞城府東過臥龍司西與大章河合爲牂牁江按定番連江下流爲逢亭河會大塘清水河南入盤江其上流二源西源出廣順縣南土地關名格必河麻線河則源出廣順縣北旗關與土地關水南北相距甚近然格必南流而麻線河則北流至平壩會羊場河至清鎮爲涵澄河下流爲六廣河烏江一支流也今水經謂爲出金筑司北麻線河已誤又言至泗城西境爲七曲江則地去泗城絕遠不知何指顧皆涓滴之流所謂僅僅一線時斷時續未聞有以舟楫行者郭青螺氏姑爲之辭而黃宗義之說則歧誤糾結益甚若莫猶人之說則曰漢豚水即今定番之濠江至廣西泗城府合盤江至來賓合柳江之水所謂牂牁江史漢皆云夜郎北臨牂牁江又曰發夜郎兵下牂牁江蓋即濠江及永寧州西境之北盤江北盤東合南盤入廣西以合濠江即水經夜郎之溫水也其說亦知濠江之不

貴州通志

前事志二

三三

能當牂牁特牽就其說實則史漢皆言江廣數百步非濠江涓滴之流況漢志明言夜郎豚水又明言豚水爲潯水之源東至四會入海中間匯入諸大水勿虛數千乃舍南北盤之洪流不論而獨以濠江勺水當之漢志不若是僞也則莫氏之說抑不免牽合也

以都江爲牂牁江者唐人已有是說柳子厚詩牂牁水向郡前流是也魏西事珣云牂牁江既與龍融二江會過柳州吳振械黔語曰牂牁江今都江也源出都勻府境至獨山運都江廳入古州匯車江榕江西折而南過下江廳界至內妹入廣西境爲龍江一名柳江經懷遠維容諸縣至廣東入海漢書稱牂牁江廣數里出番禺城下唐蒙上書謂夜郎精兵可得十萬浮船牂牁江出不意制粵水經注豚水東北流逕談藁縣東逕牂牁郡且蘭謂之牂牁水今黔中諸水入粵者三盤濠二水舟楫不能通惟都江自獨山之三脚壩浮舟直達粵東水漲可兩旬至與唐蒙發精兵下牂牁及會番禺之說合黔記以爲在定番黔書以入楚之烏江當之明鄭旻又以盤江爲牂牁江今水經云烏江志名牂牁江以水出牂牁郡也蓋泥於且蘭故地爲今之遵義

涓滴故仍以牂牁屬之烏江不知年代遠遠蠻地阻絕當時所稱夜郎牂牁日蘭其地甚大非可執今之一郡一縣以當之也惟水之所歸雖數千載莫能改而舟楫之可達與否又事之可顯證者故舍都江無可會番禺之水則都江爲牂牁江可信愛必達黔南識畧云都江即古豚水又曰逕水水經注云豚水東北流逕牂牁且蘭縣謂之牂牁水漢武帝時唐蒙請發精兵下牂牁同會番禺是也今黔中諸水入粵者三盤濠二水雖入粵不通舟楫惟都江自獨山之三脚壩浮舟直達粵東水漲可兩旬至唐蒙所謂出越之不意以制越者當由此洪亮吉曰都江自發源六十里至獨山州屬之三角屯江流漸廣可容大舟又百餘里過都江通判城西又南邇來牛定且諸寨至古州城東會榕江車江南流入廣西懷遠維容二縣界按漢書地理志牂牁郡夜郎縣下固注云豚水東至廣鬱鬱林郡廣鬱縣下又注云潯水首受夜郎豚水至四會入海山海經云潯水出都江西南夷傳夜郎者臨牂牁江江廣百餘步足以行船水經注潯水即豚水也按此水經注不及班氏明潯水實別一水可合而豚水東北流以上皆東北流逕談藁縣東逕牂牁郡且蘭縣謂之

貴州通志

前事志二

三四

牂牁水水廣數里縣臨江上故且蘭侯國也一名頭蘭牂牁郡治元鼎五年武帝伐南越發夜郎精兵下牂牁同會番禺是也後漢書西南夷傳公孫述時夜郎大姓爲漢保境後漢初從番禺江奉貢即此今水道提綱名是江爲龍江反以爲福祿江之支流不知此江之源較福祿江遠六七百里余以甲寅二月自都勻按試黎平由三角屯舟行至古州凡三日夜及試黎平畢將赴鎮遠沿道驗福祿江之廣狹曾不及都江十分之六且發源又近而反以爲經流知提綱之舛矣道元云豚水又逕中溜縣南與溫水合今廣西象州來賓武宣皆中溜縣地南盤江都江二水至來賓縣始合流逕武宣縣西南蓋今南盤江即古溫水也今都江即古豚水也益覺道元之言絲毫爽又龍江之名蓋起於唐唐初置龍水郡及龍水縣皆以此水名龍水縣即今慶遠府宜山縣也豚龍聲相近蓋音之轉耳推此言之漢牂牁郡及且蘭縣治當在今清平都勻之間正臨都江之上武帝元鼎五年伐南越發夜郎兵下牂牁江其下江之處亦當在今獨山州三角屯左近也惟道元言豚水東北流逕談藁縣東逕牂牁郡且蘭縣謂之牂牁水考談藁亦漢牂牁郡屬縣則